

cum venit Patauium, incidit in huiusmodi malū, & perpetuo deterius habet, seruato etiam bono regimine. Quare querit auxilium. Volentes curare, oportet scire ægritudinem. Sed hanc cognoscimus per causas & signa: quare primo ista videamus. Nocumentum in hoc viro est in vesica, vt ex læsione actionis patet. In nocumento renum inuoluntaria emissio vrinæ. In vesica retentio inuoluntaria hoc signo distinguitur ab Auicenna quando sit in renibus vel vesica. Sed iste retinet vrinam inuitus & inuoluntariè, præterea non adest dolor in renibus, & in vesica est dispositio mala. Sed qualis? Credo vlcus esse in ipsa vesica, quia patitur ibi dolorem. Et licet non sit continuus dolor, potest tamen dici, quia non malè tractatur, sed dolet quando mingit. Præterea exeuntia ostendunt, aliquando sanguis, aliquando sanies apparens: sed credo vlcus esse paruum & in principio, & quia sanguis modicus, propterea quod venæ in vesica sunt paucae & exiles. Sanies quomodo facta? Oportet videre complexionem eius. declinat ad caliditatem in actiuis, patet ex colore, & facies est satis rubicunda. Membrorum magnitudo & spermatica membra satis magna. In passiuis declinat potius ad humiditatem, non tamen multam, sed magis est calidus. Caput etiam est satis calidum, quia est bonitas intellectus & discursus in hoc iuvene, præterea apparent venæ in oculis manifestæ. Habet bonum colorem & generat bonum sanguinem: & sic habet hepar bonum, quod etiam recipit chylum bonum bene confectum in stomacho, & habet stomachum bonum calidum. Ista dispositio fortè contracta est tempore eo quo passus est morbillos, quia ibi collecti sunt humores barauchiales & acres, qui attulerunt malum vesicæ, maximè cum exierunt malæ materiæ, licet creticè & paulatim semper. Et hepar etiam tunc fortè fuit malè qualificatū, quare multiplicati sunt mali humores, & fortè accessit malum regimen. Ac ratione calidi hepatis fortè multiplicati humores cholericus & adusti, & transfusi in vesicam, quæ fuit debilitata prius, & dictum est, per creticam expulsionem factam in morbillis. Isti & falsi barauchiales causant vlcus: ita à principio per communitatem, nunc in vesica per essentiam est morbus. Hæc est dispositio infestans hunc iuuenem, vlcus in vesica scilicet.

Prognost. Quia natura est fortis, est in adolescentia, & tamen vincitur à mala dispositione, videtur esse malum. Præterea difficulter curantur tales dispositiones, teste Auicenna: vlcera in vesica, vt parte neruosa difficulter curantur: & oportet esse medicamina fortia, ne amittant vires intransitu. Præterea dedit se studio legum, quod est admodum laboriosum. Et oportet ipsum stare pedibus, quod valde est nociuum vitij vesicæ & renum, quia omnes superfluitates descendunt & feruntur ad istum locum. Quare prognosticum est verendum & dubium: neque tamen despero, habet medicos astantes, &c. ex Hali abbate. Duo præualent vni, sed non vnum duobus.

Curationis sunt tres intentiones: Euacuare totum corpus, Abstergere locum, Consolidare.

sectio venæ cõpetit, quia vlcus indicat, & fiat

sectio basilicæ: quia à membro mandate fit diuersio, & in frigidatur etiã hepar, ne generet tantam copiam cholerae. Tum etiam ista sectio diuertit, præmissis leni pharmaco cum casia, aut clystere. Postea facta euacuatione, quia humores sunt cholericis ratione mordacitatis, & pituitosi ratione tenacitatis, oportet præparare syrupos de endiuia, quia confortat hepar & refrigerat, violarum, & de glycyrrhiza, de nenuphare, de portulaca, sed aliquando, & in minori quantitate, Oxymelitis parum etiam ratione incisionis. Euacuationes sint benedictæ. Non auderem transcendere Casiam, Mannam & Rhabarbarum, & forsitan parum de Benedicta, vel Electuario Indi. Decoctio ex seminibus papauerum, malua, althæa, cum syrup. de liquiritia. Et ex granis Sebesten, Tamarindis cum fero lactis erit lenituum conueniens. Præterea per vomitum potest educi etiam materia, quod valde laudatur ab Auicenna, in septimana, semel vel bis. Ventosis potest vti etiam, ratione doloris. Istis factis, faciendæ decoctiones ex seminibus portulacæ, scariolæ, endiuia, capillorum Veneris, cum mucilagine, althæa, quæ possunt sumi loco syrapi manè. In necessitate summa ex semine papaueris iusquiami cum croco, qui multum valet: præterea cum lacte caprino, cum mucilagine sebesten & althæa. Balneum ex lacte est valde mirabile, & ex rebus anodinis, vt ex malua, anetho, &c.

Emplastra possumus etiã facere ex rebus talibus & fométationes. Sedato dolore ad vlceris curationem deueniendū. Mundificans mel rosatū, aqua hordei cum mucilagine & diuretico non forti dando ad intrã cum aqua zucchari, serum lactis per syringã etiam intromitti debet. Postea consolidetur ex semine portulacæ, plantaginis, amylo, cerussa, tutia, sarcocolla, plumbo vitæ: fiant sieff quæ applicentur. Lac ouium cum bolo Armeno facit consolidationem etiam maximam, si est dolor maximus, sieff cum opio applicetur. In cibarijs vtatur radice althæa vel radice maiorana. In iusculo semina quatuor maiorana vtatur. Potest etiam fieri Electuarium, quod à Nicolo describitur, quod mundificat, abstergit & consolidat. Potest fieri tragea ex seminibus acetosæ, papaueris, maluæ, amygdalis amaris, pineis, nucleis cerasorum & persicorum cum zuccharo, de quo sumat per horam vnã ante cibum.

MONTANVS.

Ero breuis, quia diffusissimè & doctissimè regula dicta sunt, quæ circa historiam & curam debent considerari, & hora est tarda, & Doctor iste festinat ad alia sua negotia. Ego etiã sequar modicè in hac re, ita vt non necessaria omittamus. Iuuenis iste patitur difficultatem circa actionem mingendi, quia non potest expellere vrinam, vt videtur sibi aliquid semper remanere ob impedimentum. Præterea sæpissime percipit ariditatem in exitu vrinæ, & maximè circa glandem. Ad hæc circa pectinem dum mouetur, dolorem sentit licet obtusum, maximè dum equitat. Cum vero laborat quocunque genere exercitij, solet exire vrina frequentissimè nigra, quandoque grami quidam